



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Caput XVI. Idem Electo V. de a Octonen.

[urn:nbn:de:hbz:466:1-74544](#)

condemnati, qualiter procedere valeas contra ipsos, oraculum duxisti Sedis Ap. requi-
rendum. Nos autem f.t. t. respondemus, quod licet contra eos non appareat accusator,
si tamen aliis argumentis illos constiterit esse usurarios manifestos, in eos pœnam d.in La-
teranensi contra usurarios editam Concilio, liberè poteris exercere.

NOTÆ.

^a **A**ltissiod. Ita etiam legitur in tertia collec-
tione sub hoc tit. c.fin. De Altissiodorensi
diocesi egi in c. 14 de præsumpt.

b *Maniūſſi.*) Quinam illi dicantur, exposui
in cap. 3. hoc tit.

c *Accusator.*) Juxta tradita in c. evidentiæ de
accusat, ubi commentarium hujus textus dedit,
d *Lateran.*) Relato in cap. 3. hoc tit.

CAPUT XVI.

Idem Elec̄to V. de a Ocl̄onen.

SAlubriter. Et infra: Sanè generum ad fructus possessionum, quæ sibi sunt à socero
pro numerata dote à pignori obligatae, computandos in sortem non credimus com-
pellendum, cùm frequenter dotis & fructus non sufficiant ad onera matrimonii sup-
portanda.

NOTÆ.

^{i.} ^a **O**cl̄onen. (Ita legitur in quarta collectione,
sub hoc tit. cap. 1. & cùm præsens epistola
non reperitur inter epistolæ editas à Sirleto, &
Boschetto, cognosci non potest de quo Episcopo
tanum electo in præfati agatur.

^b *Pignori.*) Eisi fidejussor pro dote dari ne-
queat, pignus tamen ad ejus securitatem constitui
valet, ut probavi in cap. 6. de pignor.

c. Dotis fructus.) Quos ex rebus dotalibus per-
ceptos constante matrimonio maritus suos facit
ratione domini, quod in dote habet, & pro sub-
levandi oneribus matrimonii, l. dotis 7. l. plerum-
que 10. §. sed statu 3. l. cum in fundo 78. ff. de jure
dot. l. pro oneribus 20. l. final. §. præterea 2. C. o. d. tit.
l. fructus 7. l. si fundus 8. l. in infidam 42. §. fructus,
l. infidam 57. l. final. ff. solut. matrim. l. unic. §.
cumque 9. Cod. de rei uxor. action. l. 26. cum sequen-
tit. II. part. 4. Desideratur ramen, ut res dotalis
marito tradita sit, alia si tantum promissa fuerit,
fructus non lucratur, l. de divisione 5. ff. solut. ma-
trim. Item requiritur ut matrimonium sequitur
sit, nec præcedens dotes traditio sufficit d. l. dotis
7. §. fin. cum l. sequenti. ff. de jure dot. l. si ante 6. ff.
solut. matrim. l. 1. §. & primum secundo, cum §. se-
quenti. ff. pro dote. Quare fructus percepti ante non
cedunt lucro mariti, sed augent dote ipsum, l.
videamus 38. §. ante 12. ff. de usur. Principiè etiam
desideratur, quod maritus sustineat onera matrimoniī,
& propriis sumptibus alat uxorem, l. in in-
fidam, §. usuras 3. ff. solut. matrim. juncta l. si quis
21. §. ult. ff. de donat. inter. l. final. in princip. ff. de
dolo except. Ideoque si usuræ dotis à socero pro-
missæ sint genero quamdui dos ei solvatur, & mu-
lierem non aluerit vir, sed socer, improbè ab eo u-
suras petat. locum post 69. §. in domum 3. ff. de jure
dot. quia fructus & usuræ, que pro fructibus pro-
mittuntur, cedunt pro oneribus matrimonii, l. si
maritus 46. ff. famili. excise. l. dotis 7. d. l. pro oneri-
bus 20. docent Donell. lib. 14. comment. cap. 7. ubi
Osvaldus Treutlerus vol. 2. select. disp. 7. theſi 9. Cu-
jac. tit. Cod. de jure dot. in princ. & in l. unic. §. cum-
que, Cod. de rei uxor. Campegius de dose 2. part.
quest. 12 Constantius Rogerus cod. traxt. quest. 16.
Franc. Hothom. in disp. de dotibus, Paul. post me-
diū. Fontanel. de part. nupt. claus. 6. glos. 2. per tot.
P. Barbola in d. l. de divisione 5. Galbanus de usur-

fruct. c. 22. quomodo autem fructus pendentes so-
luto matrimonio dividantur, exponit Osvaldus
in diel. c. 7. Donelli. lit. E. Elcober tom. 2. de ration.
comput. 9. Alvarus Valafucus in præx. partit. c. 29.
Benedictus Pinel. lib. 5. select. cap. 2.

COMMENTARIUM.

Cum certum sit, creditorem teneri imputare in 2.
sortem principalem fructus perceptos ex re
sibi pignori data, ut probavi in cap. cùm contra de
pignor. difficultis merito vifa est Doctoribus tam Ju-
riperitis, quam Theologis præsens decisio, dum in ea Innocentius III. docet maritum non tene-
ri imputare in dote fructus perceptos ex pignore
pro doto securitate à socero datos: quare varias
huic decisioni assignantur interpretationes Gomez,
in l. go. Tauri, n. 30. Castillo 3. controv. c. 23. Valafucus
consult. 8. per tot. Canifius de usur. cap. 6. num. 6. ali
congesti à Barbola in presenti: quibus addendi
sunt Cyriacus lib. 1. controv. 80. Leothard. de usur.
cap. 28. per totum. Fontanel. de part. nupt. claus.
6. gloss. 2. part. 6. Hermosilla in l. 10. tit. 1. p. 5. gloss. 2.
num. 149. Giurba decis. 72. Gutierrez de delict. qu.
91. Acosta de privil. credit. regul. 3. limit. 2. per tot.
Carleval. lib. 1. de judicis. tit. 3. disput. 8. num. 20.
Gibalinus de usur. libr. 4. cap. 5. art. 15. cor. 6. Pluribus placuit præsentem textum procedere fa-
vore matrimonii: quæ doctrina nullo modo de-
fendi potest; tum quia contractus, de quo in
præsenti, non est ulteriorius, ut infra dicemus:
tum etiam, quia usura propter nullam causam
pian, & favorablem exerceri potest, cap. super 10.
4. hoc tit. Fortunius Garcia de ultimo fin. illat. 6.
textum hunc sic accipit dum ait, præsentem tex-
tum procedere ratione tacitæ donationis, quam fe-
cit socer genero fructuum pignoris proditoris lecu-
ritate traditi. Quia præsumptio donationis nascitur
ex eo, quod pater tenetur filia dote dare, aut
alimenta præstare, l. final. C. de dotis promiss. l. qui
liberos 20. de ritu nupt. Verum hæc interpretatio
minime sufficiet valet: tum quia Innocent. III.
cùm interrogatus suisset de jure, nihil respondit de
donatione; sed quid juris ratio in præsenti casu di-
ctabat: tum etiam quia si vera esset dicta sententia,
sequeretur inde fructus pignoris interesse doto
excedentes, ab ipso genero in sortem computan-
dos esse. Aliis communiter placuit in præsenti
casu

casu generum fructus lucrari vi tacita conventione nisi in compensationem damni emergentis, ex eo quia interim dum sibi dos non solvitur, ex proprio patrimonio sustinet onera matrimonii, quæ ex dote, vel dotis fructibus sustinere debebat: & consequenter recipit pignoris fructus in compensatione lucri cessantis; siquidem si statim cum promissa fuit dos, sibi solveretur, posset maritus cum ea negotiari, & ex tali negotiatione lucrum sufficiens acquirere ad sustentanda onera matrimonii. Ita docuerunt Alexander in *l. in insulam*, §. *n. uras*, num. 3. ff. *solut. matrim. & consil. 27. Tiraq. de utroq. retract. tit. 1. glof. 18. num. 71. Plotus de in item jur. §. 11. num. 29.* alii congettū à Cenedo collēt. 14. ad *Decretal. Covarr. 3. var. cap. 5. num. 3.* Fontanella de *pact. nupt. clausul. 6. gloss. 2. part. 6. Farinac. in report. posth. de contract. quest. 34. Noguerol. alleg. 17. Castillo de alliment. cap. 49. 50. & 51.* Sed hæc interpretatione facile convincitur, quoniam ad hoc ut debeatur interesse lucri cessantis, vel damni emergentis, requiritur quod præcedat culpa, vel mora debitoris, aut pactio inter eum, & creditoris, ut in *l. 2. §. final. ff. de ee quod certo loco, cap. 2. de offic. ordin. in 6. cap. dilecti, deforo compet.* & post alias docent Aravio in *qq. moral. disput. 1. de statu civilis quest. 1.* quin immo & requiritur probatio talis damni emergentis, vel lucri cessantis, ut post antiquiores docuerunt Andreas Gaillus lib. 2. obs. cap. 6. Catilinus de *usur. cap. 5.* que omnia deficient in praesenti casu, siquidem nullā patione præcedente, aut probatione oblata damni emergentis, asserit Pontifex generum lacrari fructus pignoris pro dotis securitate constituti. Tandem alii docuerunt, in praesenti casu māricum fructus percipiendo usuras non committere, quia in hoc casu nullum intervenit mutuum, nec formale, vel expressum, nec fictum, aut palliatum: quibus mutui speciebus non intervenientibus committitione potest usurā. Verum hæc interpretatione etiam convincitur; nam potius in praesenti casu præsumitur, fide habita de dose mutuum contrahi, alia quo jure maritus posset percipere fructus pignoris, nisi præsumendo per fictionem brevis manus dotem marito solutam fuisse, & eam statim sub pignoribus mutuasse.

Quare his, & aliis sententiis omisssis, ut veram prætentis textus rationem assignemus, præmittendum est, maritum, cui dos promissa non solvit, non teneri sustinere onera matrimonii; immo patrem seu extraneum dotem promittentem marito teneri, dum dos non solvitur, onera matrimonii supportare. *l. si 15. quem 57. §. 6. ff. de jure dot. l. filii 20. §. 1. l. simarius 47. ff. famili. eric. probant Felicianus de censibus lib. 2. c. 5. Petr. Barb. in rubric solut. matrim. part. 1. a. 68. A. tias de Mela lib. 3. var. cap. 46. n. 20.* Deinde præ-

mittendum est, quod si ab initio; cùm de dotis constitutione agitur, conventum sit inter maritum & dorem constituentem ut dos intra mensem, vel annum solvatur, pignoribus datis, et si interim sustineat onera matrimonii, non tamen ideo potest fructus pignoris lucrari, aut usuras dotis petere, nisi pactum intercesserit, ut interim dum dos non solvitur aliquid interessis nomine solvatur: quod pactum latè probat, & defendant Sesse tom. 1. decisi. 68. per tot. Gibal. lib. 4. de *usur. cap. 5. art. 15. congett. 3. per tot. in praesenti autem textu dos de praesenti constituta fuit nullā temporis dilatione datā patri ad ejus solutionem. Quibus præmissis appetat vera ratio, quare in praesenti maritus fructus pignoris percipere possit, nec teneat eos in dotem imputare, quia videlicet eos recipit non ratione mutui, nec dilatæ solutionis, sed ex ea causa, quia scilicet uxorem aluit, & cætera omnia sustinuit absque dote, quæ sustinere debebat sacer. Quare quid mirum si gener ex rebus saceri, videlicet ex fructibus pignorum, onera matrimonii sustinuit, quæ pater sustinere debebat; ideo non tenet similes fructus imputare in sortem principalem. Ita docuerunt Felicianus de *censibus tom. 1. lib. 2. c. 5. n. 29. Gaspar Rodriguez de annuis reddit. lib. 3. quest. 7. a. n. 41. Arias de Mela dict. 1. 3. var. cap. 46. n. 20.* Tota ergo ratio, quare in praesenti casu rite, & recte maritus lucratur fructus pignorum, constituit in eo, quia sustinet onera matrimonii, quæ sacer sustinere debebat. Unde dubitatur, an cessionarius matiti possit etiam fructus ipsos lucrari, nec imputare teneatur in sortem principalem. Et etiam in cessionarium hoc privilegium transire docuerunt Rodriguez, ubi *suprà. num. 59. Felicianus dict. lib. 2. cap. 5. Sesse dict. decisi. 68. num. 23. Amatus resol. 49. num. 8.* Sed rectius contrarium docuerunt Valascus tom. 1. consult. 8. num. 6. Guzman. de *evit. quest. 10. num. 46. Cancerius part. 1. variar. cap. 3. num. 61. Gibalin. dict. art. 15. congett. 9. Olea de cess. jur. tit. 6. quest. 2. num. 43. Leothard. de usur. quest. 29.* quia cum hoc privilegium marito concedatur, quia sustinet onera matrimonii, & hæc æqualitas desit in ejus cessionario, cessare debet privilegium, *l. cumpatronus 29 ff. de leg. a. 2. l. quia a tale. ff. solut. matrim. pluribus exornat Latrea decisi. 31. a. num. 20.* Et hac etiam interpretatione admisā varias hujus textus ampliations adducunt circa dotem pro moniali promissam, nec solutam; & circa viduam, cui dos restituta non est debito tempore ab heredibus mariti: quem casum amplectitur Noguerol. dict. alleg. 17. sed non audet admirare Tapia 2. tom. catena mor. lib. 5. q. 17. art. 10. quos & alios casus examinant, & expoununt Olea, Gibalinus & Sesse *suprà*, Leothard. dict. quest. 20.*

C A P V T XVII.

Idem Episcopo a Bononien.

Michaël laicus suam nobis querimoniam destinavit, quod N. & quidam alij Bon. ciues multa extorserunt ab eodem, & a patre suo, cuius haeres existit, nomine usurarum. *Et infra:* Attentius provisurus, ne auctoritate nostra in negotio eodem procedas, nisi dictus conquerens restituerit, vel adhuc restituat si quas aliquando ipse, vel pater ejus extorsit usuras.